

EUSKARAZKO IPUI BERRIYAK.¹

AZALKAYA: SAYO BAT.

Azariya eta Zakurra.

Biyak zijoazela
 bein bide batean,
 ikusi zuten gizon
 bat bere lanean.
 Au zan arakiña ta
 aragiya austen,
 puskak zer nai modutan
 zitubela uzten.
 Azari zarrak zion
 esan zakurrari,
 ostu zaiozun puska
 aundi bana orri,
 kontatuko dizkiat
 nik *bat bi iru lau*,
 eta lau esatean
 sartuko gaituk *rau*.
 Esan ta egin biyak
 asirik batean,
 Azariya tranpaz zan
 erori bidean.

Eta zakurra joanik
 gaitz pensatu gabe,
 egin zan ango puskik
 onenaren jabe.
 Bañan jabeak zuben
 lapurtzen ikusi,
 eta segitu zion
 labana ta guzi.
 Zakurrak nabaiturik
 trantze ain larriya,
 bota zuben abotik
 bere aragiya.
 Gizonak berriz kaso
 egin gabe oni,
 oraindikan segitzen
 zion zakurrari.
 Nai zuben kolpatzeko
 bera arrapatu,
 geiago aragirik
 etzeion lapurtu.

(1) Fábulas señaladas con PREMIO EXTRAORDINARIO en los Juegos florales celebrados en esta Ciudad en 1884, (Véase pag. 146, t. XII).

Eta... ¿da arrapatu
zubela egiya?
bai.. bestek.. an lurrean
zegoan aragiya.
Azariya egiñik
puska arren jabe,
jabea gelditu zan
aragirik gabe.
Baita zakurra ere
ederrak artuta,
berriz lapurtzeko

goguak kenduta.

.....

Onek eraltusten du
bear dala jakin,
kontu aundiz ibiltzen
pillosamarrakin:
geicho fiatzendana
beren esanetan
gaizki irtengo dala
lautatik irutan.

Asto alperra miñez.

Asto bat bizi ro maiz
gelditzen zan miñez,
oso puztuturikan
mugitu eziñez.
Ukulluban zegoala
bein chit aundituba,
beste asto bat deitu
zuten medikuba.
Eta onek lenengo
pultsuba arturik,
galdetu zion zeukan
jateko gogorik.
Erantzun zion baietz
ederra zeukala,
apetituen paltak
ala etzeukala.
Ezin ezagaturik
medikubak miña,
esan zion atera
zezala mingaña.

An ere gaitz ichurik
etziyon ikusi,
bañan sendatu nairik
alaz eta guzi,
asi zitzayon sangri
aundi bat egiten,
odol charrik bazeukan
andik zedin irten.
¡O! asto kotaruba,
tranpak eta penak,
orduban argitara
irten ziran denak.
Odolaren tokiyan
aizea zan asi,
zulotik chistu joaz
zijoan igasi.
Beste asto larruban
egonik sartuba,
ura zan zekarrena
aizez puztutuba.